

temps. Au moyen desquelles vertus fut appelle Guichard le Grand.

Il mourut à Paris en bonne valetude , bon sens et bon aage, le dixhuictieme jour du mois de septembre lan de grace mil trois cent trente ung. Et fut apporte son corps despuys Parys jusquen labbaye de Belleville en son pays de Beaujolloys, avec toute reverence deue, magnificence et honneur, et fut ensepulture au tombeau quil avoit faire en sa jeunesse audit lieu de Belleville, et parce quen mesme temps messire Guichard de Beaujeu , son frere, estoit mort à Ambrung. Les obseques et funéraitte deulx deux furent faictes ensemble à Belleville avec tres noble et belle compaignye, assistance et solempnité à leurdit obsequé, qui fut le troisieme jour doctobre dudit an mil trois cens trente ung.

A la louange de mondit seigneur Guichard le Grand fut faict un tel epitaphe :

A MILLENO TER CUM PRIMO TER QUOQUE DENO ,
 PRINCEPS GUICHARDUS , LEO CORDE , GIGAS , LEOPARDUS ,
 SŒVO MARTE FEROX ET NOBILITATIS AMATOR.
 NUMQUAM DEVICTUS BELLO , PER MILITIA ICTUS ,
 VINCITUR A MORTE , COELI PATEANT SIBI PORTÆ.

Qui veultent aultant en francoys :

Lan mil trois cens, et trois fois dix
 Ung y adjouste, le prince Guichard
 Lyon en cœur, grand, puissant jadis,
 Noble seigneur, hardy comme un leopard,
 Chevaleureux ayment armes, noblesse.

Onques vaincu ne fut en presse
 Par coups de lance, arc ou de fleche.

Mais Athropos que tout oppresse,
 Le vint sommer d'aller aux bas palluz ;
 Fuyr ny peult, mais prions que son ame

Soit mise en paradis lassus
 Avec Dieu et la glorieuse dame

Amen !